



Universitätsbibliothek Paderborn

Acta Ecclesiae Mediolanensis

Decreta Provinciae Mediolanensis Svb B. Carolo Borromeo, Cardinale
Archiepiscopo, Diuersis temporibus in sex Concilijs, totidemq[ue]
voluminibus edita

Speciano, Cesare

Brixiae, 1603

Declaratio facultatis Ordinariorvm visitandi, & corrigendi loca, & personas
Militiæ, ...

urn:nbn:de:hbz:466:1-10553

reſeruationis, prohibitionis, inhibitionis, & voluntatis infringere, vel ei auſu temerario contraire. Si quis autem hoc attentare præſumpſerit, indignationem omnipotentis Dei, ac beatorum Petri & Pauli Apoſtolorum eius ſe nouerit incurſurum. Dat. Romæ apud Sanctum Petrum, Anno Incarnationis Dominicæ Milieſimo quingentimo ſexageſimo ſexto, quintodecimo Kal. Aprilis, Pontificatus Noſtri Anno Secundo.

Cæſ. Glorierius.

H. Cumyn.

Vifa de Curia M. de Enciſo.

Anno à Natiuitate Domini milieſimo quingentimo ſexageſimo ſeptimo, Indictione decima, die verò decimaſexta menſis Maij, Pontificatus Sanctiſſimi in Chriſto patris, & D.N.D. Pij diuina prouidentia Papæ V. Anno eius Secundo, retroſcriptæ literæ affixæ & publicatæ fuerunt in retroſcriptis locis, vt moris eſt per nos Alexandrum Aſtancollum, & Iohannem Guerardum prælibati Sanctiſſimi D. N. Papæ Curſores.

Antonius Clerici Magiſter Curſ.

DECLARATIO FACULTATIS ORDINARIORVM
viſitandi, & corrigendi loca, & perſonas Militiæ, & Hospitalis Sancti Iohannis Hieroſolymitani, in his dumtaxat, quæ concernunt curam animarum,
& adminiſtrationem Sacramentorum.

Similem declarationem fecit Greg. 13. in eius conſt. 88. Conſueuit ſedes, & vide etiam Greg. conſt. 67. Circumſpecta in omnibus.

De materia autem Priuilegiorum iſtius Militiæ, & Hospitalis poſui concord. ſup. in Pij 4. conſt. 14. Circumſpecta, fol. 663.

Pius Papa Quintus, Ad futuram rei memoriam.

EXPOSCIT Paſtoralis officij debitum, cui diſponente Domino præſidemus, vt ad ea ſolicite intendamus, per quæ diſcordiarum & litium, ac controuerſiarum quarumlibet materia tollatur. Sanè cum nonnulli ex Venerabilibus fratribus Epiſcopis dilectos filios Magiſtrum, Baliuos, Caſtellanum, Empoſte, Priores, Donatos, Capellanos, Fratres, Milites, & alias quaſcunque perſonas, Hospitalis S. Iohannis Hieroſolymitani ratione Eccleſiarum curam animarum habentium, illarumque Rectores, & Miniſtros ad ipſum Magiſtrum ſpectan. & pertinent. iuxta Sacri Oecumenici Concilij Trid. viſitare, dictus verò Magiſter, & alij prædicti ipſos, illorumque Eccleſias, Capellanos, & Miniſtros dictis decretis minimè comprehendendi, ſed ab illis exemptos eſſe prætenderent, materia quaſtionis orta. Nos igitur eorum paci, & quieti conſulere volentes omnes lites, & controuerſias huiusmodi tam in Romana Curia, quàm alibi coram quibuſcunque Iudicibus in quacunque inſtantia penden. illarumque ſtatus, & merita pro ſufficienter expreſſis habent. ad nos auocantes, eas caſſamus, extinguiſimus, & ſuper illis perpetuum ſilentium imponimus, ac omnes dictæ Militiæ perſonas à quibuſuis cenſuris harum cōtrouerſiarum occaſione, contra eas per quoscunque latis, & incurſis abſoluimus: Et nè in futurum aliqua amplius controuerſia oriri poſſit decernimus, declaramus, ſtatuiſimus, omnes, & ſingulos locorum Epiſcopos, & alios Superiores tanquam Apoſtolicæ Sedis delegatos omnes, & quaſcunque Parochiales Eccleſias, ceteraque beneficia Eccleſiaſtica ſuarum Ciuitatum, & Diœc. quibus animarum cura imminet, ad dictam Religionem, eiſque Milites, Capellanos, Miniſtros, Rectores quomodolibet pertinent. etiam quòd in eis Epiſcopalem, & temporalem iuriſdictionem Reli-

Bbb gio,

gio, & Milites prædicti haberent, eorumque Ecclesias, Rectores, Vicarios, & Ministros quoscunque (in his tamen dumtaxat, quæ animarum curam illiusque exercitium, & Sacramentorum administrationem respiciunt) visitare, omnesque actus visitationem concernentes exercere posse, & debere, ac Rectores, ceterosque huiusmodi Ministros curam animarum exercentes minus idoneos repertos, siquidem ad nutum amouibiles sint statim amouere, sin verò titulares sint illico suspendere, ac Superiores eorum monere, vt intra aliquem breuem terminum in locum amotorum subrogent alios idoneos, prius tamen per ipsos Episcopos, & alios Superiores examinatos, & approbatos, titularibus verò suspensis deputent alios idoneos pariter examinatos, & approbatos, vt supra in coadiutores, seu Vicarios iuxta decretum Concilij, Sessione vigesima prima, capite sexto. Interea verò dum hæc subrogatio, seu deputatio fiat; ipsi Episcopi, & alij Superiores pro necessitate curæ animarum prouideant arbitrio suo: quòd si Superiores dictorum Rectorum, & Ministrorum intra tempus præfixum non subrogauerint, aut deputauerint vt supra, tunc dicto termino elapso ipsi Episcopi, & alij Superiores alios præuio examine iuxta eiusdem Concilij formam idoneos repertos in locum amotorum subrogent. Titularibus verò suspensis coadiutores deputent iuxta dictum capitulum sextum, Sessione vigesima prima, qui tamen in dictis Parochialibus perinde inferuiant, ac si subrogati, aut deputati ab ipsis Superioribus Religionis, & Militum prædictorum fuissent. Volumus autem, quòd Episcopi, & alij Superiores prædicti visitationem huiusmodi, & prædicta omnia solum tanquam delegati Apostolicæ Sedis, & gratis, & absque vllis dictæ Religionis Rectorum, & Ministrorum impensa, & onere faciant, in collatione item ordinum, necnon consecratione Ecclesiarum, & sacrorum vasorum, ac benedictionibus, & alijs actibus spiritualitatem concernentibus, ac institutione presentatorum ab eisdem Militibus ad beneficia, aut approbatione, seu confirmatione, quas ab eisdem fieri harum præsentium vigore contigerit, gratis omnia faciant, & diligenter attendant, vt nullos admittant, qui qualitates à Concilio requisitas non habeant, ac præuio examine iuxta eiusdem Concilij decreta idonei non existant. Nolumus autem Episcopos, & alios Superiores locorum superscripta facultate visitandi vti, qui cum eadem Religione, & Militibus super iurisdictione Episcopali in locis visitandis coram quibuscunque Iudicibus litigant, nisi inibi ipsi Episcopi, & alij Superiores in quasi possessione antiqua exercitij iurisdictionis huiusmodi existerent, saluo tunc iure vtrique illæso in petitorio, sed quòd Episcopi, & alij Superiores viciniore ius aliquod in iurisdictione huiusmodi non habentes nullumque interesse prorsus prætendentes, facultate prædicta vtantur. Nolumus item per presentes, vllum afferri præiudicium iuri visitandi dictas Parochiales Ecclesias, & alia beneficia curam animarum habentia, quòd antea Religionis, & Militibus prædictis competeat, Inhibemusque expresse dictis Episcopis, & alijs Superioribus nè hac facultate visitandi eis per presentes concessa alio vtantur modo, quam præscripto. Sicque per quoscunque Iudices, & Commissarios quauis auctoritate fungentur, sublata eis, & eorum cuilibet quauis aliter iudicandi, & interpretandi facultate, iudicari, & diffiniri debere, irritum quoque, & inane si secus super his à quoquam quauis auctoritate scienter, vel ignoranter contigerit attentari decernimus. Non obstant, præmissis, ac constitutionibus, & ordinationibus Apostolicis, in Provincialibusque, & Synodalibus Concilijs editis generalibus, vel specialibus, necnon quibusuis statutis, & consuetudinibus, stabilimentis, vsibus & naturis, etiam iuramento, confirmatione Apostolica, vel quauis firmitate alia roboratis, priuilegijs quoque indultis, & literis Apostolicis in contrarium forsitan quomodolibet concessis, & confirmatis, quibus omnibus, eorum tenores, ac si de verbo ad verbum inferrentur presentibus pro sufficienter expressis habent. illis aliàs in suo robore permansuris hac vice dumtaxat ad effectum præsentium specialiter, & expresse derogamus, ceterisque contrarijs quibuscunque Volumus autem, quòd præsentium transumptis manu Notarij publici

subscriptis, & sigillo personæ in dignitate Ecclesiastica constitutæ munitis eadem prorsus fides adhibeatur, quæ presentibus adhiberetur, si forent exhibitæ, vel ostensæ. Dat. Romæ, apud Sanctum Petrum sub Annulo piscatoris, die vigesimo-seculo Septembris, millesimo quingentesimo septuagesimo primo. Pontificatus nostri Anno sexto.

Cef. Glorierius.

S. D. N. D. PII PAPÆ V. STATVTVM, DE FRVCTIBVS,
quos amittunt, qui horas Canonicas non recitant.

Pius Episcopus seruus seruorum Dei. Ad perpetuam rei memoriam.

EX proximo Lateranen. Concilio pia & salubris sanctio emanauit, vt quicumque habes beneficium Ecclesiasticum cum cura, & sine cura, si post sex menses quam illud obtinuerit, diuinum officium, legitimo cessante impedimento, non dixerit, beneficiorum suorum fructus pro rata omissionis officii & temporis, suos non faciat: sed eos, tanquam iniuste perceptos, in fabricas ipsorum beneficiorum, vel pauperum elemosynas erogare teneatur. Veruntamen multorum animi suspensione tenentur, cuiusmodi ratæ prædictæ ratio sit habenda. Nos huic rei euidentius, atque expressius providere volentes, statuimus, vt qui horas omnes Canonicas vno vel pluribus diebus intermiserit, omnes beneficij seu beneficiorum suorum fructus, qui illi, vel illis diebus responderent, si quotidie diuiderentur: qui vero matutinum tantum, dimidiam: qui cæteras omnes horas, aliam dimidiã: qui harum singulas, sextam partem fructuum eiusdem diei amittat: tamen aliquis, choro additus, non recitans, omnibus horis Canonicis cum alijs præsens adsit, fructusq; & distributiones fortè aliter assignatas, sola præsentia iuxta statuta, consuetudinè, fundationem, vel aliàs sibi lucrifecisse prætendat. Is etiam præter fructuum, & distributionum amissionem: Item ille qui primis sex mensibus officium non dixerit nisi legitimum impedimentum ipsum excusauerit, graue peccatum intelligat admisisse. Declarantes præstimonias, præstimoniales portiones, & qualiacunque alia beneficia, etiam nullum omnino seruitii habentia obtinentes, cum prædictis pariter contineri. At quicumq; pensionem, fructus, aut alias res Ecclesiasticas vt clericus percipit, eum modo prædicto ad dicendum officium paruum Beatæ Mariæ Virginis decernimus obligatū; & pensionum, fructuum, rerumq; ipsarum amissioni obnoxium. Nulli ergo omnino hominum liceat hanc paginam nostrorum, statuti, declarationis, & decreti infringere, vel ei ausu temerario contraire. Si quis autem hoc attemptare præsumperit, indignationem omnipotentis Dei, ac beatorum Petri, & Pauli Apostolorum eius se noverit incursum. Dat. Rom. Apud Sanctum Petrum, Anno Incarnationis Dominicæ, Millesimo quingentesimo septuagesimo primo, Duodecimo Kal. Octobris. Pontificatus Nostri Anno Sexto.

Cef. Glorierius.

SANCTISSIMI D. N. D. PII PAPÆ V. CONSTITVTIO,
Super recitatione officij Beatæ Mariæ Virginis, cum Decretis,
& indulgentiis.

Pius Episcopus, seruus seruorum Dei. Ad perpetuam rei memoriam.

Super omnipotentis Dei prouidentia, ac benignitatis exemplo excitati, qui vt humanum genus ab errorum tenebris vendicaret, & in veritatis semitam perduceret, suæ gloriæ splendorem è cælis in terram dimittere, lucisq; æternæ radiis bonos pariter & malos perfundere dignatus est, meditatio cordis nostri